



Dantza talde guztiak Ikurrina Dantza egiten, iazko dantzari festan, Plazan.

Zazpi probintzietako dantzariak Hernanin, bederatzigarren Dantzari Festan

■ Apirilaren 19tik 25era da eta igandekoa izango da egun nagusia ■ Hernanitik Ttarla dantza taldeak, dantzari txiek, San Joan konpartsak eta Musika Eskolako musikariek hartuko dute parte.

APIRILAREN 19tik 25era izango da Dantzari Festa Hernanin eta aurten ere ekitaldi asko izango dira, astelehenetik igandera. Egun haundia igandekoa izango da eta bertan Gipuzkoa, Bizkaia, Nafarroa, Araba, Nafarroa Behera, Lapurdi eta Xube-roako dantzariak ibiliko dira kalez kale dantza erakustaldia egiten. Zortzi dantza taldek hartuko dute parte igandean eta horien artean izango da *Ttarla* Hernaniko dantza taldea ere.

Egunero ekitaldiak
Urteroko moduan Euskal jantzien erakusketa egongo da Biteri kultur etxean, aste-

lehen, astearte eta asteazkenean 17:00etatik 20:00etara eta ostegun eta ostiralean 17:00etatik 19:00etara. Hiru hitzaldi ere izango dira Biterin: *Baserritarren Jantziak*, *Uda* eta *Baserritarren Jantzkerak*. Dantzara animatzen diren guztientzat dantza ikastaroa izango da ostiralean Plaza Berrian, Patxi Perezen eskutik, eta larunbat goizean kalejira eta Erromeria izango dira Tilosetan, Hernaniko Musika Eskolako musikariek girotuta. Larunbat ilunabarrean, berriz, Donostiako *Eskola* dantza taldearen emanaldia izango da Biteri kultur etxean. Igandean egun osoko festa dago.

EGITARAUA -Apirilaren 19tik 25era

Apirilak 19-20-21-22-23

17:00-20:00 edo 17:00-19:00 Euskal-jantzien erakusketa. Biterin.

Apirilak 20

15:30-16:30 Hitzaldia: *Baserritarren jantziak*. Hizlaria: Axen Egaña. Biterin.
19:30 Hitzaldia: *Uda, jaiak eta jantziak*. Hizlaria: Javier de Juanes. Biterin.

Apirilak 22

19:00 Hitzaldia: *Baserritarren Jantzkerak*. Hizlaria: Ramon Garcia. Biterin.

Apirilak 23

19:00 Euskal dantza ikastaroa Patxi Perezekin. Plaza Berrian.

Apirilak 24

12:00 Kalejira Kaxkoan eta erromeria Plaza Berrian.
16:30 Dantzari txikien emanaldia Biteri plazan.
20:00 Dantzaldia *Eskola* dantza taldearen eskutik. Biterin.

Apirilak 25

10:30 Kalejira
11:00 Dantza talde guztiek ikurriña dantza egingo dute plazan eta kalejira eta dantza emanaldia Hernanin barrena.
13:30 Preso eta errefuxiatuen omenezko ekitaldia.
14:30 Bazkaria Tilosetan.
17:30 Erromeria Baionako *Harrabost* Txarangak girotua.

Literatura tailerra gaur hasi eta asteazkene

ANDRAGOTO Ateneoan *Gota Kokorota* literatura tailerra jarriko dute martxan gaurtik aurrera. Tailerra asteazkenean izango da 20:00etan. □

Karabel eta Landare arteko bidea itxita egongo da hiru hilabetetan

UDALTAINGOAK adierazi du gaurtik aurrera bidea itxita egongo dela Karabel eta Landare-Gureola bitartean. Landarera joateko, Zubiondo zubi berria erabili beharko da, Ibaiondo poligonotik barrena. □

JUBILATU ETXEA

Asturiasera joateko zozketa gaur, eta zuzendaritzako urteroko babarrun jana ostiralean

GOIZ Eguzki jubilatutako etxeak Santander eta Asturiasera joateko 10 eguneko bidaia antolatu du, maiatzaren 25etik ekainaren 4ra. Bertara joateko zozketa gaur egingo dute, Goiz Eguzkin, arratsaldeko 17:00etan. Bestetik, ostiralean, hilaren 16an, zuzendaritzako urteroko bazkaria antolatu dute. Urtero bezala babarrun jana egingo dute. Eguerdiko 14:00etan, Goiz Eguzkin. □

'Siamesas pero no revueltas' umore emanaldia ostiralean Atxur tabernan

SAIOA Elgezabal eta Bea Aberasturik antzezutako *Siamesas pero no revueltas* umore emanaldia izango da ostiralean Atxur Tabernan. Emanaldia *Oliver Production* sek aurkezten du eta beraiek diotenez irauten duen 45 minutuetan parre algara ederrak egiteko aukera izango du inguratzen denak. Iluntzeko 22:30etan hasita, Atxur tabernan. □

AMEGAR
Etxe tresnak
Altzariak

Elektrogailuak
TB- Bideoak-
HI-FI-Opariak
Sukalde altzariak
Tel.: 943 55 11 25
Faxa: 943 55 16 03

BERTAKO FRUTA ETA BARAZKIAK
Erkerro
Fruituak

Bertako produktuak
Fruitu exotikoak
Telefonoz eskatzeko:
943 33 32 75
Orain helbide berrian gaituzu:
Antziola 5


OKINDEGIA • JANARIDENDA
Zure eguneroko
beharrei erantzuteko,
hemen gaude.
Kale Nagusia 19
Tel.: 943 55 23 98
HERNANI


LARRE-GAIN
TOLARE-SAGARDOTEGIA
943 55 58 46
EREÑOTZU - HERNANI

Sagardo naturala urte osoan botilan salgai



Sagastialdeberri txakurak kozkaka soildutako arbola bat.

Txakur kakak eta txakurrek eragindako txikizioak direla eta, ordenantza bete egin behar dela dio Udalak

■ “Txakur gorotzen presentzia nabarmena” dela ohartarazi du ■ Sagastialdeberri txakur batek 6.000 euro inguruko kalteak egin dituela ere jakinarazi du.

ANDONI Amonarraiz, Zerbitzu Publikoetako zinegotziak Kronikara bidalitako prentsa ohar batean, hernaniarrei jakin arazi die txakur kaka asko ageri dela Sagastialdeberri dagoen atletismo pista inguruan eta baita herriko beste kaleetan ere. Horrekin batera, dio txakur batek “seguru aski jabeak bulztatuta” kalteak eragin dituela Sagastialdeberriko zonaldeko zuhaitzetan. Prentsa oharrak dio 13 direla kaltetu dituen zuhaitzak: 2 errotik aterata eta beste 11 urte honetan zehar hilko direnak. Sortutako kalteen balorazioa ere egin dute eta 5.961,97 euroko kalteak direla adierazi du Udalak.

Parkeak pertsonentzat

Amonarraizek gogorarazi nahi izan du zonalde berdeak pertsonen, eta bereziki haurrek, erabili eta gozatzeko guneak direla. “Eta ez da bidezkoa helburu honekin sortutako guneak txakurren gorotzez beteta egotea, honek ez baitie haurrei libre jolasten uzten” dio zinegotziak.

Bestalde, jakinarazten die herritarrei, beharrezkoa dela animalien gaineko ordenantza betetzea.

Animaliak edukitzea eta babestea arautzen duen Udal Ordenantzak beste hainbat punturen artean dio:

1) Debekatua dago balkoietan, garajeetan, pabiloietan, sotoetan, zabaltzeetan, lorategietan edota bestelako edozein lokaletan animaliak sartu eta gordetzea, baldin eta animaliek auzokide eta oinezkoiei beren usain, zikinkeria, ulu edo zaunekin traba egiten badie.

2) Hiriko bide, leku publiko eta guztien erabilerrako diren eraikin kolektiboetan, txakurak kontrolpean eta korrea batekin lotuta eduki behar dira. Korreak egokia izan behar du animalien

ezaugarrietarako.

3) Debekatua dago txakur gorotzak bide eta plaza publikoetan, haur parkeetan, eta oro har jendea biltzen den lekuan uztea. Txakurraren jabeak edo txakurra daramanak txakurraren gorotza jaso egin behar du. Txakur batek bide publikoa zikintzen badu, herritarrek eskubidea dute txakur-jabeari edo eramaileari zikindutakoa garbi dezan eskatzeko.

4) Aipatutako artikulua betetzen ez badira zigor erregimena ezarriko da. Bertan hutsegite arintzat hartzen da txakurren gorotzak leku publikoetan uztea. Honek 60,10 euro eta 300,50 euro bitarteko multa izango du.

HITZ BITAN



Iaz etorri ziren Saharako haurrak Hernaniko familia eta lagunekin.

✓ SAHARA

Saharako haurrak udaran etxean hartzeko aukera. 7-12 urte bitarteko haur Sahararrak udaran bi hilabetez etxean hartu nahi dituztenek izena emateko epea apirilaren 30ean bukatzen da. Hernaniko Udalak antolatutako programa da hau eta adierazi du haurrak direla etorkizunerako eta bake-rako itxaropena eta horregatik ezinbestekoa dela zonalde gatazkatsuetatik eta hauek sortzen duten saminetik ateratzea. Haur hauek, beraien familia eta lagunak bezalaxe, errefuxiatuen kanpamenduan jaio eta bizi dira eta era guztietako beharrak dituzte, janaria, osasuna eta hezkuntzari dagozkionak bereziki. Interesatuak 943-337017 telefonora deitu behar dute edota e-mail bat bidali: irantzu-j@hernani.net helbide elektronikora.

✓ MUSA - PEÑA OTAÑO

Partidak bihar. Peña Otañoko mus txapelketan partidak izango dira bihar eta bertara joateko zita dute: Igor-Gorka/Eugenio-Garmendia, Aitor-Luis Mari/Vicente-Manolo, Balantxa-Balantxa/Enrike-Linter, Rekalde-Bilbao/Pello-XX eta Alejos-Dabid/Juan Ig-Luis. Hurrengo partidak datorren asteartean, hilaren 20ean izango dira.

✓ ASTIGARRAGA

Artikutzara irteera. Ostiraletik igandera Artikutzara irteera antolatu du Astigarragako Xaguxar elkarteak. Kultur etxean eman behar da izena eta 20 euro ordaindu behar dira. □



Artikutza, abuztuko festa egunean.

IRAGARKI MERKEAK

Hernani inguruko jatetxe batean barrarako zerbitzari bat behar dugu. Ibilgailua behar da. Deitu: 943 55 02 54 (astelehenetik-ostiralerara) edo 608 12 07 32

Iñigo Royo Masajista. Masajea, naturopatia, akupuntura, ajuste neurologiko eta bertebrala, reflexologia, auriculoterapia,...: 943 33 28 94 - 626 80 76 33 (Sta Barbara 42)

10 urteko Ford Escort familiarra salgai. 1.500 euro. 629 76 30 41

ZERBITZUAK

☎ TELEFONOAK

►Taxiak: 943 550093
►Udaltzaingoa: 943 333288
►DYA: 943 464622
►Autobusak: 943 556662
►Anbulatorioa: 943 006666
►Jokalaria anonimoak: 943 331103

✚ FARMAZIAK

►Egunez: Bilbao-Sagastiberri Urbieta 7
☎ 943 552941
►Gauetz: Orue Lasarte. Jaizkibel plaza 2
☎ 943 362652



DOBERA SARIA II.EDIZIOA

3.000 EUROKO DIRU LAGUNTZA

HERNANIRI BURUZKO LAN BAT SARITUKO DA:

- Banaka zein taldeka egin daiteke.
- Lana euskaraz izango da.
- Lana egiteko epea: 6 hilabete.
- Proposamenak aurkezteko epea *apirilaren 30a*.
- Agiri guztiak Dobera Elkartera bidali behar dira. (Larramendi - 11 ; Telf: 943 332799)


Hernaniko Udalak